



Universitätsbibliothek Paderborn

**Etliche protestationes vnnd || bezeugung zwische[n]
einem Erwirdigen Thumb=||capittel an einem/ vnd dem
herren Thumbdechant an=||derßtheils/ hin vn[d] widder
nach dem gehalten Land=||tag zu Bonn ...**

Erzdiözese Köln

[Köln?], [1545]

Beschlusz eyns Erwirdigenn Thumbcapittels zu Cölln/ mit eingeleibter
Protestation/ durch mich Leonhardu[m] a Fossa Secretarium/ meinem
gnedigen herrn Thumbdechant vß sondern beuelh wolgemelts ...

urn:nbn:de:hbz:466:1-35189

Beschluß eyns **Erwirdigenn**
Thumbcapittels zu **Cölln** / mit eingeleibter Pro-
testation / durch mich **Leonhardū a Fossa Secretarium** /
meinem gnedigen herren **Thumbdechant** vß sonder
beuelh wolgemelts **Thumbcapittels** / in mas-
sen / wie volgt / angezeigt / am fritag den
achtzehnten des Monats **Decem-**
bris. Anno M. D.
xl.



An sein **G.** qualificire
als eyn **Thumbdechant** er-
scheint / so seind mein herren
Alfferdechant vnd **Capittel**
willig / sein **G.** für einenn
Thumbdechant zuerkennē /
Ehe söliche geschicht / wissen
wolgedachte mein herren sei-
ner **G.** vff ire **Indiction** zum **Capittel** nit zuuolgē / noch mit
demselbigen darin zusitzen / zuhandlen noch zuschliessen /
Wöllen sein **G.** auch vor sölicher angezeigter qualification
vor den **Choirgancē** bitten / Wo aber sein **G.** darumb den
Choirgancē nit meide würdt / so habē mein herren protestiert /
im fall / das sie sampelich ader söndlich zu **Choir** gehn wür-
den in gegenwertigkeit seiner gnaden / das sie dardurch sei-
ner gnaden nichts gestanden / noch irem rechten mit ichten
zuwider gehandelt haben wüllen / sonder bei dem
bleiben / was hievor in vnnß vfferhalb rechts
gegen sein **G.** gehandelt wor-
den ist.

A ij ver.

Vermeinte protestation des Thumbdechanten wider
ein Erwürdiger Thumbcapittel.

In Gottes namen/ Amen. Kunde sei jedermenn-
iglich/ die diß gegenwertige offenbar Instrument werden
sehen ader höre lesen/das in dem iair vnseres gesuntmachers
Jesu Christi/ als man schreiff M. D. xlv. in der vierten In-
diction/ vff Sonndag zweintzigsten des monats Decembris/
vmbtrent x. vñzen vormittag/ Papstumb des allerheiligsten
in Got Vatters vnd herin/ herin Pauli des dritten von Göt-
licher vorsichtigkeit Papst in seinem zwelfften iare/ vor mir
offenbarn Notario vnd glaubwürdigen gezeugen vndersche-
uen in eigener personē erschenē ist der Erwürdiger/ wolgepor-
ner herz Heinrich Graff zu Stoilberg vnd Weringentrade/ etc.
des hohen Thumbstiftes Colln Dechant/ in seinen hende ha-
bende einen papyrē zettel einer protestation/ damit vnd auch
seinen worten erfordert het/ vnd begert sunst weiters inhalts
desselbigē zettels/ welche ire S. vorhin öffentlich lesen liesse /
vnd volgens mir vnderschieden Notario vberantwortete/ vnd
erforderte mich Almbes halben ime daruber eins ader mehr
offne Instrumenta zumachen vnd mitzuteilen/ des ich dann
mit gütē rechten vnd fügen nit abschlagen kunte / Vnd hab
irē gnaden gegenwertig Instrument mitgeteilt/ Vnd seind
solche dinge beschehn in hause vnd wonungē obernants herin
Dechanten / vff der grossen stuben/ in dem iair vnseres herin/
Indiction/ Wände/ tag/ vñz vnd Papstumb/ wie vurs/ Dar-
bei vñnd an waren eine mit mir offenbaren Notario vnder-
schrieben die Erentfeste vnd frome Gerhart von Wetternich/
zu Nidernpeg/ vnd Hans Jurgē Scholhammers/ als glaub-
liche menner ader gezeugen/ sonderlich hierzu geroiffen vnd
gebetten / Vñnd lautet gemelter protestation zettel vom
wort zu wort alsus / Nachdem es sich vff beger der Er-
würdiger/ wolgeporner/ würdiger vñnd hochgelerter herin
Alderdechanten mitcapitularn vñnd Aldherentenn dahin
bege-

begeben / das ich allem friedlichem wesen zu gutem / vnnnd
züuerhütüg weiters vnrats mich hirinne verfügt / vnd vn-
angesehen aller irrung / in allem gutem mit berurtem Alff-
terdechant vnd andern Capitularn zu vnderreden / vnd was
zu forderung des friedens vnd gemeynen Stiffes sachen / auch
zu vorkommē aller gefährlicher erweiterung dienlich / meins
theils nicht erwindē zulassen mich erbotten / Doch mit dem
vorbedinge vnd protestation / das ich dardurch von meiner ge-
thaner Appellation nit abweichen / vilweniger mich dere
iniurien vnd schmah / so mir bei Kay. May. vnserm allergne-
digsten herrn / 2c. dem Bapstlichen Legaten vnd anderē / wie-
wol vnuerschuldt / zugelegt / begeben / sonder mir die vnd alle
andere forderung vnd rechtmessige behulffe / vorbehalten ha-
ben wölln / wie dann auch ich / da die gegentheil erschienen /
vnd solche vnderredung vnd güliche handlung nit abgeschla-
gen / mit dem werck beweisen / vnd gemeinen nutz vnnnd frie-
den meinen eigen vnd priuaten sachen vorsetzen / vnnnd also
den frieden gerne befurdern wölle.

Gabe aber / so ich hirinner kommen vnd im Capittelhau-
se / als eyn Thumbdechant erschienen / auch als ehrgisterin
derwegen Capittel machen lassen / nit on höchste beschwer
meins gemüts vernommen / das berurter Alffterdechant vnd
Capitularn bei mir im Capittelhause nit erscheinen woln /
sonder sich in andern vngewönlichen örten zusamen vnnnd
zuhandlen vnderstanden / darneben mir durch des Capittels
Notarien ansagen lassen / wie das sie verstandenn / das ich
wolte Capittel machen / vnd begert / mich sölichs zuenthaltē /
dann sie sich mit mir als eyn Thumbdechant nit ehe einzu-
lassen ader darfür zuhalten wisten / ich hette dan mich vor-
hin qualificirt / das general zu Bon widderrufen / vnd mei-
ne gethane Appellation abgestalt vnnnd fallen lassen / auch
sie für das recht Capittel zuerkennen / dann one das wüsten
sie mich für iren Thumbdechant / der sie Capitulariter zuer-
fordern / nit zuhaltenn / Wolten auch von irer vermeinter

Al iij rechts-

rechtfertigung/da sie gleich sonst vngescheh im Capittel ader im Choir erschienen weder im theil ader zumal abgewichē/ sonder sich dieselb außzuführen vorbehalten haben.

Auß dem allem ich nit anders vermeynen mögen/ dann das man mich dardurch endtlich dahin führen vnnnd nötigen wollen/ das ich mich meins standts/ preeminents vnnnd wandels selbst entsetzen/ vnd mit der that vber mich selbst erkennen sollen/ des sie die gegentheil biß daher erlassen/ vnd das widderspil nit allein mit der that/ sonder auch irem schreiben haben erkant vnnnd von sich geschrieben/ allermeist/ da sie mich von anfang vnd bißdaher vor gnugsam qualificirt gehalten/ darneben für vnd für iren herren vnd Thumhedechäcgnent/ geschrieben vnd gehalten/ wie solichs mit vielen schriften/ sonderlich aber den letzten/ so vor dreien ader vier tagen auff dem letztgehalten Landtage zu Bonn geschickt/ gnugsam zuerweisen.

Dweil nün niemants captioser vnd so gantz gefährliche anmütens sich zuerkleren schuldig / vnnnd die gegentheil sich vber ihres selbst erpieten inn freuntliche vnderredung sich einzulassen nit allein weigeren/ sonder dieselbe ihres vermögens fliehen/ vnd besondere conuenticula vnd zusamēkunfftē anrichten/ welchs inen die hochstgedachte Keyß. May. freilich nit befolhen/ vnd derwegē ein neuwerung vnd beschweren mit den andern zuhauffen vnd zucumulieren vnderstehen/ So wolte ich demnach mich von meinem guten willē vnd angebotner gülicher vnderredung / vnnnd das ich in alledem/ das zu freuntlicher vergleichung vnd hinlegung des so gefährlichen zweispalts mit ichtem dienen mögen/ an meinem fleiß vnd gutem willen vberall nichts erwindē/ sonder sie die gegentheil solichs abgeschlagen/ vnd souil an inen ist/ verhindert/ vnd sonst von nit verursachung weiters vnrats/ so darauß erfolgen möcht/ hiemit zierlich in der aller bester vnnnd bestendigster form/ so solichs alles bequemicligst geschehen kan ader mag/ hiemit vor euch Notario vnnnd zeugen hiezu-

zugegen beding/bezeug/vnnd protestier / Des auch von euch
Notario/ein ader mehe Instrumenta in der aller bestendig=
ster form mir mitzuteilen / vnnd solichs / wes alhie prote=
stiert/bezeugt vnd gehandelt / wolgedachtem Alfterdechant/
vnd diesen anhengigen Capitularen insinueren vnnd ansa=
gen/hiemit fleissig/ fleissiger vnd zum fleissigsten begert vnd
gebetten / mir auch alle noturfft / rechtmessige hilff vnnd
mittel in dem allem vorbehalten habē/ dauon ich hiemit of=
fentlich bezeugen vnd protestiren.

Et ego Theodoricus Bitter de Wipperfurdis, Clericus Coloniensis
Dioecesis, publicus sacra Apostolica autoritate & ordinaria admis=
sione Notarius, quia praemissis protestationibus, omnibusq; & singu=
lis, dum sic (uti praemittitur) fierent & agerentur, una cum praenomina=
tis testibus praesens interfui, eaq; sic fieri uidi & audiui, ideo hoc pre=
sens publicum instrumentum manu propria scriptum, exinde confe=
ci, subscripsi, publicaui, & in hanc publicam formam redegei, signoq;
& nomine meis solitis & consuetis signaui, in fidem, robur & testimo=
nium omnium & singulorum praemissorum rogatus & requisitus.

Collationata est praescripta Copia per me Theodoricum Notariū
praefatum, & concordat cum suo uero Originali de uerbo ad uerbum,
teste hac scriptura.

Insinuatum uenerabili & generoso domino Thomae ex Comitibus
de Reneck, Subdecano Ecclesiae Maioris Coloniensis, die uicesima se=
cunda mensis Decembris.

A iij Pro